

Forfatter: Rantza, Sivert

Titel: BREV TIL: Gyldenstjerne, Mogens FRA: Rantza, Sivert (1557-04-14)

Citation: Rantza, Sivert: "BREV TIL: Gyldenstjerne, Mogens FRA: Rantza, Sivert (1557-04-14)", i *Breve til og fra Mogens Gyldenstjerne og Anne Sparre (1. bind)*, TRYKT HOS NIELSEN & LYDICHE (AXEL SIMMELKIÆR), s. 402. Onlineudgave fra Danmarks Breve: <https://tekster.kb.dk/text/letters-000743146-001-shoot-L0007431460010313.pdf> (tilgået 05. august 2024)

Anvendt udgave: Breve til og fra Mogens Gyldenstjerne og Anne Sparre (1. bind)

Ophavsret: Materialet er fri af ophavsret. Du kan kopiere, ændre, distribuere eller fremføre værket, også til kommercielle formål, uden at bede om tilladelse. Husk dog altid at kreditere ophavsmanden.

[Læs Public Domain-erklæringen](#)

Rantza, Sivert, *Breve til og fra Mogens Gyldenstjerne og Anne Sparre (1. bind)*,

Haderslev, 14. April 1557.

Sivert Rantzau til Mogens Gyldenstjerne.

Hans bortrømte Slotsfoged Hans Skriver sidder fængslet paa Haderslevhus og kan med Hertug Hans's Tilladelse udleveres til Mogens Gyldenstjernes s. 403Tjenere. Hertugen beder ham behandle Hans Skriver saa læmpeligt som muligt og ikke efter Retten.

Mein freundlich dinst vnnd was jch sunst mehr liebs vnnd guts vermagk, zuuornn. Gestrenger vnnd ernuester, besunder gunstiger vnnd gar guter freundt, jch hab euer schreibenn euerm schreyber¹⁾, so alhier zu Haderschlebenn vff euer furdern vnnd bittenn gefengklichen eingezogen vnnd gesetzt worden etc., das jch denselben gefangenen euch nach dem reich jnn eure behaussunge zu La- oder Sternholm zu bringen etc. den euern vberantworten vorgunnen vnnd zu lassenn mocht, empfangen vnd allen fernern jnnhaltet freundlich vormergkt, vnnd wil euch daruff freundlicher meynunge nicht bergen, das jch derowegen dem vnnd solcher ewrer forderunge nach den durchleuchtigen hochgebornen fursten vnnd herrn, herrn Johanssenn, hertzogen zu Schleswigk, Holsten etc., meynen gnedigen herrn, euerendthalbenn vnderthenigen belangt vnnd angeredet, auch souiel bey s. f. g. euerendt halben s. 404jnn vnderthenigkeit erhalten vnnd außgericht, das jch eueren diener denselben gefangenen zu stellenn vnnd vberantwortenn soldt[e]. D[as] jch danne gethann, als das jch denselben gefan[ge]nenn euern diener vberantwortenn [vnd] zustellenn lassenn. Meynes vorsehens werdenn bemeltenn gefangenenn euch, w[an] jr denselbenn zu bringen jhnen beuehlich vfferlegt, zur stedte bringen. Es haben mich aber s. f. g. an euch dabeneben zu schreybenn jnn gnadenn vfferlegt vnnd beuohlenn, das s. f. g. gnedigs begehren, jhr wollet mith demselbenn gefan-genenn vffs glimpfflichst als muglich, nach gnade vnnd nicht nach rechte, handlenn lassenn; dann so s. f. g. nicht auß zugethanenn gnedigen vnnd geneigten willenn euch den gefangenen volgen lassenn wollen, wehre s. f. g. solchs dieser orthe gebrauch nach nicht zu thunde schuldigg gewehsenn. Werdet euch dero wegen jnn deme der gelegenheit nach allendthalben zuerzeigen wissenn, darane dann meyn gnediger herr gantz vnnd gar keynen zweuel. Das ich euch vff euer schreybenn jnn freundliche andtwordt nicht habe wissenn zuuorhalten, vnd bin euch meynes vormuegens jederzeit zudienende willigg. Datum Haderschleben den 14ten aprilis anno etc. 57ten.

Syuerdt Rantzow.

(Bagpaa: Seglet, Udskriften og Mogens Gyldenstjernes Paaskrift:)

Dem gestrengen vnnd ernuesten herrnn Magnuß Gildensternn, ritternn, amptman zu Laholm vnnd erffgesessenn zu Sternholm, meynem besundern guten freunde.

Om Hans scryffuer, som rømppte.